

18 DE MARTZU 2021

## Prus de trinta arrugas e unu imbistimentu milionàriu: est pruntu su pianu po sa viabilidadadi

Prus de trinta arrugas in s'elencu e unu imbistimentu cun ses zerus: su Pianu nou de interbènnidas me is arrugas est pruntu e bolit mudai sa faci de prus de dèxi chilòmetrus de viabilidadi urbana e extraurbana. In su pratu ddoi funt unu milioni e sexentucincuantamila èurus, in sa mesa de su s'indigu Gigi Concu e de sa vices'indiga e assessora a is traballus pùblicos Gabriella Mameli su progetu de cumintzu chi at arriciu su via libera po parti de sa Giunta\_ "Seus chistionendi de su tanti de dinai prus mannu chi est stètiu imbistiu mai po is arrugas, gràzias a custu eus a arrenèsciri a aconciai una parti manna de su territòriu cosa nosta, aconcendi unus de is strobis chi ddoi funt de medas annus", bolint acrarai.

S'elencu de is arrugas imbordigadas de is obras benidoras est longu meda, cumintzat de is domus de Ceràxius e lompit finsas a Su Planu. Faint parti de is interbènnidas de su cuadranti oves: bia Lussu, Venezia, Oristano, Torino, Milano, Firenze, Bezzeca, Calatafimi, Milazzo, Genova, Nuoro, Gramsci, Salvemini, Sassari, Crimea, Palestro, Digione. Me is interbènnidas prevìdias po su cuadranti sud si cumintzat de bia Confalonieri e si sighit faci a bia Di Vittorio, Buozzi e bia Cavour. E ancora: bia Sant'Anna, Da Vinci, Canova, S.Antonio, S.Pietro, S.Paolo, S.Agostino, fichiùs in su cuadranti est, e po acabai is obras chi ant a fai in Su Planu, aundi est prevìdiu de cumpriri sa bia Metastasio, pratza Boiardo, e s'omònima bia finsas a sa crèsia. "In prus eus giai agatau atras interbènnidas de fai in bia e vico Vienna, bia e vico Parigi e bia Pira, cun imbasciamentus de asta eventualis", aciungit sa vicesìndiga. "Cun custa interbènnida si donaus sa tarea de torrai a aconciài sa regularidadi de su pianu de is arrugas de medas bias tzitadinas chi oramai tenint s'asfaltu totu papau e adannau de aconciaduras stradalìs fatas de manera pagu profetosa. E, aundi siat arrechèdiu, de is elementus sciussiaus alliongiaus a cussa e totu, cumenti cunetas, marciapeis e sa sinnalètica orizzontali puru", sprigat.

A pustis de totus custas interbènnidas me is arrugas tzitadinas, chi de custa istadi ant lòmpiu a gai cincuxentu mila èurus de risorsas impreadas, s'aministratzioni de pratza Cellàrium cracat de prus s'allestradori: "Is obras seguru ant a èssiri arrendadas aintru de ocannu, ma est boluntadi nosta circai de ndi fai a su manu una parti aintru de cussu tempus", narant s'indogi e vices'indiga. "Una tarea speddiosa diaderus, chi eus a circai de lompi gràtzias a su traballu de primori mannu de is uftizius nostus".



